

77. *Seriola Alliatae*? foliis radicalibus, spathulatis, dentatis, pilosis; caule adscendente, glabro; pappo stipitato.

T. 7. Herba glauca, Andrialae (Crep. L.) nemausensis facie. Radix brevis, fusca, subpremorsa, crassitie pinnae anserinae, fibrillas longas, tortuosas exerens. Folia omnia radicalia, in orbem disposita, depressa, pilosa, molliuscula, spatulata, in petiolum decurrentia, dentato-sinuata. Caules a semipede ad quindecim pollices usque alti, tennes, adscendentes, ramosi, striati, basi tantum scabri, ad divisionem ramorum et flores versus squamati. Flores lutei, solitarii, terminales, uno alterove laterali abortivo, minimo. Calyx vix imbricatus, foliolis carinâ hirsutis. Semina purpurea, striata, rugosa, apice in pedicellum scabrum attenuata. Receptaculum paleaceum, paleis deciduis, membranaceis, apice subulatis, calyce longioribus. Pappus plumosus, stipitatus, uniformis.

Auspiciis Illustrissimi Equitis, Villafrancae

Principis, D. JOSEPHI ALLIATA, qui Botanicæ studium nunc inter nos auget atque promovet, et inter Clarissimos Majores suos illum refert, quò una cum Catholicæ Principe pecuniam et operam ad conficiendum Panphyton Cupaneum contulit.

Habitat in Ætnæ sylvis et ad sepes umbras.

78. *Silene hirsuta*: floribus racemosis secundis; calycibus hirsutissimis; petalis bifidis.

*Silene hirsuta* *Poirer. It. 2. p. 163.* — *Dict. Enc. VI. p. 169.*

*Silene hispida* *Desf. Atl. 1. p. 348.*

*Lychnis alpina*, noctiflora, longis calycibus hirsutis, flore collecto *Cup. Panph. 1. 1. 87.* — *Bon. 1. 175.*

Reperi in cultis prope Catanam.

Habitat in Ætnæ arenosis aridis.

79. *Silene sedoides*: pubescens, viscosa, humillima; caule dichotomo; foliis carnosis, imis spathulatis; petalis emarginatis.

*Silene sedoides* *Wild. Sp. pl. 2. p. 703.* —